



**O'ZBEKISTON RESPUBLIKASI  
BANDLIK VA MEHNAT MUNOSABATLARI VAZIRLIGI**

**B U Y R U Q**

2020 yil “ 23 ” oktyabr

200-ИЧ son

Toshkent sh.

**Ўзбекистон Республикаси Бандлик ва  
меҳнат муносабатлари вазирлигида  
давлат харидларини амалга ошириш  
жараёнини тартибга солиш тўғрисида**

Ўзбекистон Республикасининг “Давлат харидлари тўғрисида”ги Қонуни ижросини таъминлаш, Ўзбекистон Республикаси Бандлик ва меҳнат муносабатлари вазирлигида давлат харидларини амалга ошириш жараёнида коррупцион ҳолатлар юзага келиши ва манфаатлар тўқнашувининг олдини олиш, ташкил этиладиган танлов (тендер)лар ўтказиш жараёнларининг шаффофлик ва ҳолислик принципларига мувофиқ амалга оширилишини таъминлаш мақсадида,

**БУЮРАМАН:**

1. Давлат харидларини амалга ошириш жараёнида коррупцион ҳолатлар юзага келиши ва манфаатлар тўқнашувининг олдини олиш, ташкил этиладиган танлов (тендер)лар ўтказиш жараёнлари шаффофлик ва ҳолислик принципларига мувофиқ амалга оширилишини таъминлаш мақсадида қуйидагилар:

Ўзбекистон Республикаси Бандлик ва меҳнат муносабатлари вазирлигида танлов (тендер) ўтказиш бўйича харид комиссияси таркиби 1-иловага;

Ўзбекистон Республикаси Бандлик ва меҳнат муносабатлари вазирлиги тизимида ташкил этиладиган танлов (тендер)лар ўтказиш бўйича харид комиссиялари тўғрисидаги низом 2-иловага;

Ўзбекистон Республикаси Бандлик ва меҳнат муносабатлари вазирлигида давлат харидларини амалга ошириш доирасида харид қилиш тартиб- таомиллари иштирокчиларини текшириш жараёни бўйича йуриқнома 3-иловага мувофиқ тасдиқлансин.

2. Ўзбекистон Республикаси Бандлик ва меҳнат муносабатлари вазирининг 2018 йил 15 майдаги 139-ИЧ-сон буйруғининг 6-банди ҳамда буйруққа илова ўз кучини йўқотган деб ҳисоблансин.

000640

3. Вазирнинг биринчи ўринбосари Э.Мухитдинов, вазир ўринбосарлари (Б.Умурзаков, Н.Якубов), Ишлар бошқармаси (Т.Маликов), Меҳнат органлари тизимида давлат харидларини мувофиқлаштириш шўъбаси (Б.Урунов), Молиявий назорат бўлими (М.Пулатова), Бухгалтерия (Б.Ахмадалиев):


Ўзбекистон Республикаси Бандлик ва меҳнат муносабатлари вазирлигида давлат харидларини амалга оширишда ушбу буйруқда белгиланган тартибга қатъий амал қилинишини таъминласин;

меҳнат органлари ва тасарруфий ташкилотларда ушбу буйруқ талабларига қатъий амал қилинишини назорат қилсин.

4. Мазкур буйруқнинг ижросини назорат қилиш вазирнинг биринчи ўринбосари Э. Мухитдинов зиммасига юклансин.

Вазир

Н.Хусанов



Бандлик ва меҳнат  
муносабатлари вазирининг  
2020 йил “23” октябрдаги  
200-ч 2 -сон буйруғига  
1-илова

**Ўзбекистон Республикаси Бандлик ва меҳнат муносабатлари вазирлигида  
танлов (тендер) ўтказиш бўйича харид комиссияси  
Т А Р К И Б И**

Э. Мухитдинов	Вазирнинг биринчи ўринбосари (комиссия раиси)
Б. Умурзаков	Вазир ўринбосари (комиссия раиси ўринбосари)
Н. Якубов	Вазир ўринбосари (комиссия раиси ўринбосари)
Р.Маҳкамов	Матбуот котиби
Лавозимига кўра	Бандликка кўмаклашиш Давлат жамғармаси маблағларидан самарали ва мақсадли фойдаланиш бошқармаси бошлиғи
М.Азизова	Юридик бўлим бошлиғи
А.Эгамов	Кадрлар бошқармаси бошлиғи
Т.Маликов	Ишлар бошқармаси бошлиғи
Б.Ахмадалиев	Бош ҳисобчи
Д.Кобилов	Тизим тармоқ администратори
Б.Урунов	Меҳнат органлари тизимида давлат харидларини мувофиқлаштириш шўъбаси (комиссия котиби)

*Изоҳ: Комиссиянинг аъзолари бошқа ишга ўтган тақдирда, унинг таркибига  
ушбу лавозимларга янгидан тайинланган шахслар киритилади.*

*“Давлат харидлари тўғрисидадаги” Қонунга мувофиқ комиссия  
аъзоларининг ва таркиби давлат харидларининг ўтказилиши хусусиятларидан  
келиб чиқиб ўзгартириш киритилиши мумкин.*

Бандлик ва меҳнат  
муносабатлари вазирининг  
2020 йил “23” октябрдаги  
200-117 -сон буйруғига  
2-илова

**Ўзбекистон Республикаси Бандлик ва меҳнат муносабатлари  
вазирлигида ташкил этиладиган танлов (тендер)лар ўтказиш  
бўйича харид комиссиялари тўғрисида  
НИЗОМ**

**1-боб. Умумий қоидалар**

1. Ушбу Низом Ўзбекистон Республикаси Бандлик ва меҳнат муносабатлари вазирлигида (кейинги ўринларда Вазирлик деб юритилади) ташкил этиладиган танлов (тендер) ўтказиш бўйича харид комиссияларининг (кейинги ўринларда “Харид комиссияси” деб юритилади) вазифалари, функциялари, ҳуқуқлари, жавобгарлиги ва фаолиятини ташкил этиш тартибини белгилаб беради.

Ушбу Низом билан тартибга солинмаган ҳолатлар Ўзбекистон Республикасининг амалдаги қонун ҳужжатларига мувофиқ тартибда амалга оширилади.

2. Харид комиссияси харид қилиш тартиб-таомиллари ғолибини танлаш тўғрисидаги қарорлар қабул қилиш ваколатига эга бўлган коллегиял органдир.

Харид комиссияси ишининг асосий мақсади иштирокчиларнинг таклифларини буюртмага мувофиқлик даражаси бўйича ҳолис баҳолашдан ва тартибга солишдан ҳамда давлат харидлари рақобатлашув усуллари орқали амалга оширилганда ғолибни (ғолибларни) танлашдан иборат.

3. Харид комиссияси доимий фаолият кўрсатади ҳамда вазирнинг тегишли буйруғи билан шакллантирилади ва тарқатиб юборилади.

4. Харид комиссияси ўз фаолиятида Ўзбекистон Республикасининг Конституцияси, қонунлари, Ўзбекистон Республикаси Олий Мажлиси палаталари қарорлари, Ўзбекистон Республикаси Президентининг фармонлари, қарорлари ва фармойишлари, Вазирлар Маҳкамасининг қарор ва фармойишлари, бошқа қонун ҳужжатлари, Ўзбекистон Республикаси Бандлик ва меҳнат муносабатлари вазирлиги тўғрисидаги низом, Вазирлик Хайъатининг қарорлари, вазир буйруқлари, топшириқлари ҳамда ушбу Низомга амал қилади.

5. Харид қилиш тартиб-таомиллари:

харидлар хўжалик фаолияти доирасида ўтказилганда Харид комиссияси давлат буюртмачисининг вакиллари орасидан, зарур бўлган тақдирда овоз бериш ҳуқуқига эга экспертларни жалб этгаи ҳолда шакллантирилади;

лойиҳа айрим фаолиятлар доирасида ўтказилганда Харид комиссияси вазифаларини белгиланган тартибда ташкил этиладиган “лойиҳани амалга оширувчи гуруҳ” бажаради,

харид қилиш тартиб-таомилларини ўтказиш натижалари тўғрисида қарорлар қабул қилинади.

### **2-боб. Харид комиссиясининг асосий вазифалари**

6. Харид комиссиясининг асосий вазифалари қуйидагилардан иборат:

танлов (тендер) ҳужжатларини келишиш;

таклифлар қабул қилинадиган муддатларни белгилаш;

таклифларни очиш тартиб-таомилларини белгилайди;

таклифларни баҳолаш мезонларини белгилаш ва унга асосан баҳолаш;

таклиф киритиш тартибини, ҳажмини ва уни таъминлаш шаклини белгилаш;

харид қилиш тартиб-таомили иштирокчиларининг таклифларини очиш; малака танловини ўтказиш, агар танлов (тендер) ҳужжатлари шартларида бу назарда тутилган бўлса;

харид қилиш тартиб-таомилларини қонун ҳужжатларига мувофиқ амалга ошириш;

харид қилиш тартиб-таомилларининг рақобатлашув турлари, ижрочиси ва захира ижрочисини белгилайди ёки савдони амалга ошмаган деб топади.

Харид комиссияси қонун ҳужжатлари ва ушбу Низом талабларидан келиб чиқиб бошқа вазифаларни ҳам бажариши мумкин.

7. Харид комиссияси харид қилиш тартиб-таомиллари иштирокчилари тўғрисидаги қуйидаги маълумотларни ўрганади:

харид қилиш тартиб-таомиллари иштирокчисининг таъсис ҳужжатлари ва шартнома тузиш ваколатини таҳлил қилади;

солиқ ва бошқа мажбурий тўловлар бўйича қарздорлик мавжуд эмаслигини текширади;

харид қилиш тартиб-таомиллари иштирокчисига нисбатан банкротлик тартиб-таомиллари жорий этилмаганлигини ўрганади;

харид қилиш тартиб-таомиллари иштирокчиси ҳақида Инсофсиз ижрочилар ягона реестрида ёзув мавжуд эмаслигини аниқлайди;

ахборотларнинг очиқ манбаларида эҳтимоли бўлган коррупцияга оид ҳуқуқбузарлик ҳақида маълумотлар мавжуд эмаслиги аниқлайди;

харид қилиш тартиб-таомиллари иштирокчисининг расмий веб-сайтидаги маълумотларни таҳлил қилади;

Вазирликнинг харид қилиш тартиб-таомиллари иштирокчиси билан ўзаро ҳамкорлиги тарихини ўрганади;

харид иштирокчиларида шартномани бажариш учун зарур техник, молиявий, моддий, кадрларга оид ва бошқа ресурслар мавжудлигини таҳлил қилади.

манфаатлар тўқнашуви мавжудлиги ўрганади;

харид қилиш тартиб-таомиллари иштирокчиси томонидан содир этилган коррупцияга оид ҳуқуқбузарликлар ҳақида маълумотларни ўрганади;

коррупцияга қарши ҳужжатларини текширади (тақдим этилган ёки сайтдаги) (агар мавжуд бўлса).

Мазкур йўналишлар бўйича харид қилиш тартиб-таомиллари иштирокчилари тўғрисидаги

маълумотларни ўрганиш “Ўзбекистон Республикаси Бандлик ва меҳнат муносабатлари вазирлигида давлат харидларини амалга ошириш доирасида харид қилиш тартиб- таомиллари иштирокчиларини текшириш жараёни бўйича йўриқномага”га асосан амалга оширилади.

### **3-боб. Харид комиссияси ишини ташкил қилиш**

8. Давлат харидларини танлов (тендер) орқали амалга ошириш жараёнида камида беш нафар аъзодан иборат таркибда комиссия тузилади.

Қонунчиликда бошқача ҳолатлар назарда тутилмаган бўлмаса, Харид комиссиясининг таркиби бошқарув ходимларидан ташкил этилади.

9. Харид комиссияси тоқ сонли аъзолардан иборат бўлади, унинг аъзолари таркиби ва сони харид қилиш тартиб-таомилининг турига боғлиқ бўлади ҳамда олинаётган товарнинг (ишнинг, хизматнинг) хусусиятлари инобатга олинган ҳолда ўзгартирилиши мумкин.

10. Қиймати базавий ҳисоблаш миқдорининг беш минг бараваридан ортиқ миқдордаги давлат харидлари ўтказилганда харид комиссияси таркибига давлат буюртмачисининг вакиллари ташқари Ўзбекистон Республикаси Инвестициялар ва ташқи савдо вазирлиги, Ўзбекистон Республикаси Вазирлар Маҳкамаси ҳузуридаги “Узинжиниринг” республика лойиҳалаштириш институтининг вакиллари киритилади.

11. Харид комиссиясининг ишига раис раҳбарлик қилади, у Харид комиссияси мажлисларини чақиради ва олиб боради, овозга қўйишни ва Харид комиссияси томонидан қабул қилинган қарорларни эълон қилади, шунингдек харид комиссияси мажлисларининг баённомаларини имзолайди.

Танлов (тендер) ўтказиш жараёни Харид комиссияси раиси ёки келишувга кўра раис ўринбосарларидан бирининг раҳбарлигида ва иштирокида ўтказилиши мумкин.

Харид комиссиясига Раислик қилувчи қуйидаги ваколатларга эга:

Харид комиссияси мажлисларини чақириш ва мажлис кун тартибини белгилаш;

Харид комиссияси қабул қилган қарорлар бажарилишини назорат қилишни ташкил этиш;

Харид комиссия аъзолари томонидан ўз зиммаларига юклатилган вазифалар бажарилишини мувофиқлаштириш;

Харид комиссия аъзолари фаолиятини назорат қилиш;

Харид комиссияси самарали ишлаши учун зарур бўладиган бошқа чораларни қўриш.

12. Харид комиссиясининг мажлисини раис ёки келишувга кўра унинг ўринбосари олиб боради. Харид комиссиянинг йиғилиши унинг аъзоларининг камида ярми иштирок этган тақдирда ваколатли ҳисобланади.

13. Харид комиссиясининг ишчи органи вазифасини:

7-банднинг иккинчи-ўн биринчи хатбошиларида назарда тутилган масалалар бўйича - Ишлар бошқармаси / Меҳнат органлари тизимида давлат харидларини мувофиқлаштириш шўъбаси;

7-банднинг ўн иккинчи хатбошисида назарда тутилган масалалар бўйича - Кадрлар бошқармаси / Коррупцияга қарши курашиш “Комплаени назорат” шўъбаси;

7-банднинг ўн учинчи ва ўн тўртинчи хатбошиларида назарда тутилган масалалар бўйича - Харид комиссиясининг котиби амалга оширади.

14. Харид комиссиясининг тезкор фаолияти унинг овоз бериш ҳуқуқига эга аъзоси бўлган масъул котиб томонидан ташкил қилинади.

15. Муайян бир давлат харидини амалга ошириш Харид комиссияси аъзоларида давлат хариди иштирокчиси билан манфаатлар тўқнашуви мавжудлигини кўрсатувчи ҳолатлар аниқланган тақдирда, бундай аъзонинг овози мазкур масала бўйича овоз бериш натижаларидан чиқариб ташланади.

16. Мазкур Низомнинг 15-бандида кўрсатилган шахсларни Харид комиссияси таркибига киритилишини олдини олиш Харид комиссияси аъзоларини рад қилиш ва ўзини ўзи рад қилиш йўли билан амалга оширилади.

17. Мазкур Низомнинг 15-бандида назарда тутилган шахслар Харид комиссияси таркибига киритилганлиги аниқланганда Комиссия раиси бундай шахсни муайян харидни ўтказгунга қадар рад этиш ҳақида қарор қабул қилиши шарт. Комиссия аъзосини рад этиш ҳақидаги қарор ёзма шаклда расмийлаштирилади ва рад этишга асос булувчи ҳолатлар ҳақидаги маълумотларни ўз ичига олиши лозим.

18. Ушбу Низомнинг 17-бандида назарда тутилган қарор қабул қилинган тақдирда, шунингдек Харид комиссияси аъзоси ўзини ўзи рад қилинган тақдирда ёки рад этиш тўғрисида қарор қабул қилинган тақдирда Комиссия аъзоси маълум харидлар бўйича Комиссия йиғилишларида қатнашишга ҳақли эмас.

19. Харид комиссияси аъзоларида иштирокчилар билан шахсий манфаатли алоқалар мавжуд бўлган тақдирда, харид комиссиясининг бундай аъзоси бу масала кўтарилган мажлисда ўзини ўзи рад этиши ва мазкур масала бўйича овоз беришда иштирок этмаслиги керак, бу ҳақда баённомада қайд этилади.

20. Мазкур Низомнинг 12-бандида назарда тутилган кворум мавжуд эмаслиги туфайли Харид комиссияси аъзосини вақтинча алмаштириш зарур бўлганда Харид комиссияси аъзосини вақтинча алмаштириш ҳақидаги қарор Харид комиссияси мажлиси баённомасига тегишли маълумотлар киритилган ҳолда расмийлаштирилади.

#### **4-боб. Харид комиссияси ва аъзоларининг ҳуқуқ ва мажбуриятлари**

21. Харид комиссияси қуйидаги ҳуқуқларга эга:

а) танлов иштирокчисидан унинг малакавий талабларга мувофиқлигини тасдиқловчи далилларни ҳужжат шаклида тақдим этилишини талаб қилиш;

б) ўз қарори билан қуйидагиларга асосан танлов (тендер) иштирокчиларини танловда (тендерда) иштирок этишни давом эттиришдан четлатиш ва уларнинг таклифларини кўриб чиқишни давом эттирмасдан қайтариб бериши мумкин:

Инсофсиз ижрочилар ягона реестрида танлов иштирокчилари ҳақидаги ёзувлар аниқланганда;

танлов иштирокчиларда солиқлар ва бошқа мажбурий тўловлардан қарзи мавжудлиги



аниқланганда;

агар танлов иштирокчисида қонунчиликни бузадиган тарзда адолатсиз рақобат устунлиги ёки манфаатлар тўқнашуви бўлганда;

в) харид ташаббускори, ташкилотчиси, ихтисослаштирилган ташкилотдан кўриб чиқиладиган масалалар бўйича ҳар қандай маълумот ва ҳужжатларни сўраб олиш;

г) тегишли органлар ва ташкилотлардан харид иштирокчиларининг харид ҳақидаги ҳужжатларда белгиланган талабларга мувофиқлигини аниқлаш учун зарур маълумотларни белгиланган тартибда сўраб олиш;

д) тендер/танлов иштирокчиларига у ёки бу таклифни рад этиш сабабларини тушунтириб бериш. Бунда таклифларнинг нарх ва ишларни бажариш муддати билан бирга мазмунини ўзгартирадиган тушунтиришлар берилишига йўл қўйилмайди.

22. Харид комиссиясининг аъзолари қуйидагиларга мажбур:

узрли ҳолатлардан (вақтинча меҳнатга лаёқатсизлик, хизмат сафари ва бошқа сабаблар) ташқари Харид комиссиясининг мажлисларида шахсан иштирок этиш;

қонунчиликда белгиланган тартибга мувофиқ харидларга тайёргарлик кўриш ва ўтказиш тартиб-таомиллариغا риоя қилиш;

харид қилиш тартиб-таомили иштирокчиларини текшириш бўйича зиммасига юкланган вазифаларни бажариш;

агар танлов иштирокчиси томонидан бирон-бир ҳаракатни содир этишга, қарор қабул қилишга ёки танлов савдоларини ўтказиш жараёнида буюртмачининг муайян бир харид қилиш тартиб-таомилини ўтказишга таъсир қилиш мақсадида буюртмачининг ҳозирги ёки аввалги ходимига ёки Харид комиссиясининг аъзосига ҳар қандай кўринишдаги мукофотни, ишга қабул қилиш ҳақида таклиф ёки қимматбаҳо ашё ёхуд хизматни тақдим қилса ёки тақдим қилишга розилик берганда, бевосита ёки билвосита таклиф қилганда дарҳол Харид комиссияси раисига ҳамда коррупцияга қарши курашиш “Комплаенс назорат” шўъбасига хабар бериш;

танлов иштирокчиси таклифларида Ўзбекистон Республикасининг норматив-ҳуқуқий ҳужжатларида белгиланган талабларнинг, савдо объектининг танлов ҳужжатларида қайд этилган шартларнинг бузилиши аниқланганда ёки танлов иштирокчиси қайта ташкил этиш (ажратиш, қўшиш), тугатиш ёки банкротлик (мол-мулкни хатлаш) жараёнида бўлганда, шунингдек, нотўғри ахборот тақдим этилганда иштирокчини танловдан четлаштириш чораларини кўриш;

комиссия аъзоси - таъсис ҳужжатлари, молиявий жиҳатдан қатнашиш, ҳолдинг ёки бошқача шаклда танлов иштирокчилари бир-бирига ташкилий-ҳуқуқий ёки молиявий жиҳатдан боғлиқ бўлганда ўзини ўзи рад этиш;

ўз ваколати доирасида ҳолисона қарорлар қабул қилиш.

23. Харид комиссияси қотиби ташкилий-техник тавсифдаги функцияларни бажаради, жумладан, Комиссия аъзолари томонидан имзоланадиган баённомаларни юритади, Комиссия аъзоларига Харид комиссиясининг навбатдаги мажлиси ҳақида аввалдан хабар беради, мазкур Низомнинг 7-бандида белгиланган ҳолларда мавжудлиги ёки мавжуд эмаслигини ўрганади ва бу

хақда комиссия йиғилишида маълум қилади.

Харид комиссияси мажлисида Харид комиссияси котиби иштирок эта олмаганда унинг функцияларини Харид комиссияси раиси томонидан тайинланган Харид комиссияси мажлисида хозир бўлган аъзоларидан бири бажаради.

24. Харид комиссияси томонидан ўз ваколати доирасида қабул қилинадиган қарорлар барча иштирокчилар учун мажбурийдир.

### **5-боб. Харид комиссияси ишини ташкил этиш**

25. Харид комиссияси ўтказилаётган танлов (тендер) савдоси доирасида танловга (тендер) оид таклифларни тайёрлаш муддати ҳақида қарор қабул қилади ва таклифларни қабул қилишнинг сўнгги муддатини белгилайди. Харид комиссияси танловга оид таклифларни тақдим этиш муддатини узайтириш ҳақида қарор қабул қилиши мумкин.

Бунда таклифларни тайёрлаш муддати махсус ахборот порталида ва бошқа оммавий ахборот воситаларида биринчи эълон берилгандан пайтдан бошлаб ўн кундан кам бўлмаслиги керак.

26. Харид комиссияси харид қилиш тартиб-таомили иштирокчиси томонидан киритиладиган танловга оид таклифларни киритиш тартибини, ҳажмини ва қафолат турини (закалат ёки банк қафолати) белгилайди.

27. Мажлис ўтказилган санада бир давлат хариди бўйича қиймати базавий ҳисоблаш миқдорининг беш минг бараваридан кам миқдордаги товарларнинг (ишларнинг, хизматларнинг) давлат хариди бўйича Харид комиссиясининг қарорлари Харид комиссиясининг сиртдан ўтказиладиган мажлисида, қиймати базавий ҳисоблаш миқдорининг беш минг бараваридан ортиқ миқдордаги давлат хариди бўйича харид комиссиясининг қарорлари эса Харид комиссиясининг фақат юзма-юз мажлисида қабул қилиниши мумкин.

28. Харид комиссияси иштирокчиларга танловда қатнашишга рухсат бериш ҳақидаги масалани ҳал қилиш мақсадида улар томонидан тақдим этилган материаллар асосида иштирокчиларнинг малакавий танловини ўтказади.

Бунда қуйидаги иштирокчиларнинг танловда қатнашишига йул қўйилмайди ва бу ҳақда тегишли қарор қабул қилинади:

кайта ташкил этиш, тугатиш ёки банкротлик жараёнида бўлган;

Вазирлик билан суд ёки арбитраж орқали низолашаётган;

Инсофсиз ижрочилар ягона реестрида бўлган;

солиқлар ва бошқа мажбурий тўловлардан қарзи бўлган;

Харид комиссиясининг бошқа тижорат ва молиявий кўрсаткичлари бўйича талабларига жавоб бермайдиганлар.

29. Харид комиссияси танловга оид таклифлар бўлган конвертларни очиш, уларни кўриб чиқиш ва махфийликка риоя қилинган ҳолда сақлаш белгиланган тартибда амалга оширади.

30. Харид комиссияси танловга оид таклифлар бўлган конвертларни очиш вақти ва жойини белгилайди. Танловга оид таклифлар бўлган конвертларни очиш Харид комиссияси

мажлиснинг ўзида коллегия тарзда амалга оширилади.

31. Харид комиссияси танловга оид таклифларни кўриб чиқиш муддатини белгилайди. Танлов иштирокчиларининг таклифларини кўриб чиқиш ва баҳолаш муддати таклифларни тақдим этиш муддати тугаган пайтдан бошлаб ўн кундан ошиши мумкин эмас.

32. Харид комиссиясининг мажлислари юзма-юз ёки сиртдан (сўров орқали, барчанинг иштирокисиз) ўтказилиши мумкин. Юзма-юз мажлислар конференциялар (видеоконференциялар ва хоказо) шаклида ўтказилиши мумкин.

33. Харид комиссияси келиб тушган таклифларни тўғри келишини батафсил ўрганиш ва хулоса тайёрлаш мақсадида Харид комиссияси аъзолари, вазирлик мутахассислари орасидан ишчи гуруҳ тузиши мумкин, шунингдек, зарурат бўлганда манфаатдор вазирлик ва идораларнинг мутахассисларини жалб қилиши мумкин. Комиссия танловга оид таклифларни баҳолаш учун эксперт ва маслаҳат берувчи ташкилотлар вакилларини жалб қилиши мумкин.

34. Харид комиссияси танлов савдоси ғолиби ва захирадаги иштирокчилар, шартномани имзолаш муддатлари ҳақида қарор қабул қилади.

39. Харид комиссияси танловга оид таклифларни баҳолашни ва Харид комиссияси томонидан ўрнатилган мезонлар асосида ғолибларни аниқлашни амалга оширади. Тақдим этилган танловга оид таклифларнинг қўшимча техник, ташкилий ва тижорат устунлиги, шунингдек, танлов иштирокчисининг нуфузи инобатга олинishi мумкин.

40. Харид комиссияси тақдим этилган конвертларнинг бутунлиги ва сақланганлигини тасдиқлаш ва танлов савдосини ўтказиш тартиб-таомилининг шаффофлигини таъминлаш мақсадида конвертларни очиш жараёнида танлов иштирокчилари вакилларининг ҳозир бўлиши ҳақида қарор қабул қилиши мумкин.

41. Харид комиссиясининг барча қарорлари Харид комиссияси мажлисларида Харид комиссияси аъзоларининг оддий кўпчилик овози билан қабул қилинади. Овозлар тенг бўлиб колганида Харид комиссияси раисининг овози ҳал қилувчи бўлади.

42. Харид комиссиясининг барча мажлислари ва қабул қиладиган қарорлари баённомалар билан расмийлаштирилади. Баённомалар Харид комиссиясининг ҳозир бўлган аъзолари томонидан имзоланиши ва Харид комиссияси раиси томонидан тасдиқланиши лозим.

Баённома Харид комиссияси котиби томонидан имзоланмаслиги, баённоманинг ҳақиқий эмас деб топилишига олиб келади.

43. Харид комиссиясининг ҳар бир аъзоси Харид комиссиясининг иш жараёнида қарор қабул қилиши шарт, қарор қабул қилишда бетараф бўлишга йул қўйилмайди. Овоз бериш очик тарзда амалга оширилади. Яширин тарзда овоз бериш ва Харид комиссиясининг аъзолари томонидан ўз ваколатларини бошқа шахсларга беришларига йул қўйилмайди.

44. Харид комиссияси мажлисларида танаффусларга йул қуйилади. Харид комиссияси мажлисини бир кун давомида кўчириш танаффус бўлиб ҳисобланади. Харидларнинг оммавий тартиб-таомилини ўтказишда танаффус эълон қилишга фақат харидлар лотлари орасида йул қуйилади.

45. Енгиб бўлмас куч ҳолатларидан ташқари Харид комиссияси мажлисининг муддатини

бошқа кунга ўтказишга йул қўйилмайди.

46. Харид комиссияси қуйидаги ҳолларда танловни ўтмаган деб топади:

танловда битта иштирокчи иштирок этган ёки биронта иштирокчи иштирок этмаган тақдирда;

таклифларни тақдим этиш муддати тугайдиган кунга келиб танлов иштирокчиларидан иккитадан кам таклифлар келиб тушган бўлса;

келиб тушган таклифлар савдо объектининг танлов ҳужжатлари шартларига жавоб бермаса;

танлов иштирокчилари томонидан таклиф этилган нархлар танлов савдоларининг энг юқори баҳосидан ошиб кетса.

#### **6-боб. Харид комиссиясининг жавобгарлиги**

47. Харид комиссияси ижрочини аниқлаш тартиб-таомиллари давлат харидлари тўғрисидаги қонунчилик талабларига мувофиқлиги, ўзи томонидан қабул қиладиган қуйидаги қарорларнинг асослангиллиги ва холислигига, жумладан:

Харид комиссияси таркибида кворум бўлмасдан туриб қарор қабул қилганлиги;

танлов иштирокчилари интеллектуал мулкнинг дахлсизлиги ёки тижорат сирига бўлган ҳуқуқи бузилганлиги;

танлов иштирокчиларини танловни ўтказиш тартиб-таомилларида қатнашишдан асоссиз четлатганлик;

ёпиқ ахамиятга эга бўлган тартиб-таомилга оид масалалар натижаларини очик муҳокама қилганлик ва кўриб чиққанлик, махфий ахборотни ошкор қилганлик, танлов иштирокчилари ёки жалб этилган мутахассислар билан тил бириктирганлик, шунингдек, бошқа гайриҳуқуқий ҳаракатларни содир этганлик;

Харид комиссиясининг очик мажлисида танлов ғолибини аниқлаганлик, танлов ғолибини эълон қилиш тартиб-таомиллини бузганлик, ҳозир бўлмаган танлов иштирокчиларига ўз вақтида хабар бермаганлик учун жавобгар ҳисобланади.

48. Харид комиссияси танлов (тендер) ғолибини иштирокчилар орасидан аниқлаш тартиб-таомиллари давлат харидлари тўғрисидаги қонун ҳужжатлари талабларига мувофиқлиги, ўзи қабул қилаётган қарорларнинг асослилиги ва беғаразлиги учун жавобгар бўлади.

49. Харид комиссияси давлат харидларининг бошқа субъектлари томонидан амалга ошириладиган ҳаракатлар учун жавобгар бўлмайди.

#### **7-боб. Яқуний қондалар**

50. Қонунлар ва бошқа норматив-ҳуқуқий ҳужжатларнинг бузилишида айбдор бўлган харид комиссияси аъзолари Ўзбекистон Республикасининг қонунчилигига мувофиқ жавобгар бўлади.

**Ўзбекистон Республикаси Бандлик ва меҳнат муносабатлари вазирлигида давлат  
харидларини амалга ошириш доирасида харид қилиш тартиб- таомиллари  
иштирокчиларини текшириш жараёни бўйича  
ЙЎРИҚНОМА**

**1-боб. Умумий қоидалар**

1. Мазкур Йўриқнома тендер, танлов ва ягона етказиб берувчи билан шартнома тузишда Ўзбекистон Республикаси Бандлик ва меҳнат муносабатлари вазирлиги (кейинги ўринларда Вазирлик деб юритилади)нинг харид қилиш тартиб-таомиллари иштирокчиларини мажбурий текширишинг асосий талаблари, тартиби ва усулларини (кейинги ўринларда харид қилиш тартиб-таомиллари иштирокчиларини текшириш деб юритилади) белгилайди.

2. Қуйидагилар харид қилиш тартиб-таомиллари иштирокчисини ўрганишнинг асосий мақсади ҳисобланади:

манфаатлар тўқнашуви ҳамда меҳнат органлари ва тасарруфий ташкилотлар ходимларининг шахсий манфаатдорлиги билан боғлиқ бўлган коррупциявий хавф-хатарларни минималлаштириш;

инсофсиз харид қилиш тартиб-таомиллари иштирокчилар билан шартнома тузиш хавф-хатарини минималлаштириш;

харид қилиш тартиб-таомиллари иштирокчисининг шартнома бўйича товарларини етказиб бериш ёки хизматларни кўрсатиш / ишларни бажариш имкониятларини баҳолаш;

тегишли даражада эҳтиёткорлик билан харид қилиш тартиб-таомиллари иштирокчиси билан шартнома тузиш ҳақида қарор қабул қилиш.

3. Харид қилиш тартиб-таомиллари иштирокчисини текшириш харид қилишнинг барча иштирокчиларига нисбатан амалга оширилади.

4. Мазкур Йўриқномада қуйидаги асосий тушунчалардан фойдаланилади:

**харид қилиш тартиб-таомиллари иштирокчисининг бенефициар (охирги бенефициар) эгаси** - харид иштирокчисининг мулкдори бўлган ёки ушбу харид иштирокчисига бевосита ёки билвосита (учинчи шахслар орқали) мажбурий кўрсатмалар бериш ҳуқуқига ёки имкониятига эга бўлган ёхуд у томондан қабул қилинадиган қарорларга таъсир кўрсатиши ёки унинг ҳаракатларини бошқача усулда назорат қилиши мумкин бўлган жисмоний шахс;

**ИИЯР** - Инсофсиз ижрочиларнинг ягона реестри (<http://xarid.uz/imfairexecutor>);

**харид қилиш тартиб-таомиллари иштирокчиси** - давлат харидларининг субъектларидан бири ҳисобланиб, Вазирлик билан шартномавий муносабатларга киришаётган ёки киришган ҳар қандай юридик ёки жисмоний шахс, меҳнат муносабатлари бундан мустасно.

**манфаатлар тўқнашуви** - меҳнат органлари ва тасарруфий ташкилотлар ходимининг

шахсий (бевосита ёки билвосита) манфаатдорлиги унинг хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда ходимнинг шахсий манфаатдорлиги билан меҳнат органлари ва тасарруфий ташкилотлар манфаатлари ўртасида қарама-қаршилик юзага келаётган ёки юзага келиши мумкин бўлган вазият;

**коррупциявий хавф-хатар** - ходимлар ёки учинчи шахслар томонидан меҳнат органлари ёки ўзларининг манфаатларини кўзлаб коррупциявий хатти-ҳаракатларни содир этиш хавфи;

**скриншот** - монитор экранидан туширилган сўрат.

## **2-боб. Харид қилиш тартиб-таомиллари ишгирокчисини текширишнинг умумий тартиби**

5. Танлов (тендер) ўтказиш бўйича харид комиссияси (кейинги ўринларда харид комиссияси деб юритилади) мазкур Ўўриқномада белгиланган тартибда харид қилиш тартиб-таомиллари ишгирокчисини текширишга жавобгар ҳисобланади.

6. Товар ёки иш (хизмат)лар электрон дўкон ёки аукцион орқали амалга оширилганида харид қилиш тартиб-таомиллари ишгирокчисини текшириш ўтказилмайди.

7. Танлов ёки тендер ўтказилганида харид қилиш тартиб-таомиллари ишгирокчисини текшириш конвертлар очилганидан кейин, бироқ ғолибни аниқлаш бўйича комиссия мажлисигача ўтказилади.

8. Ўтказиб берувчи билан тўғридан-тўғри шартнома тўзилганида ушбу ўтказиб берувчини текшириш бир йилда камида бир марта ўтказилади.

9. Мазкур Ўўриқнома талабларига мувофиқ текширилиши керак бўлган харид қилиш тартиб-таомиллари ишгирокчиси билан текширув ўтказилиб, унинг натижалари олинмасдан туриб шартномавий муносабатларга киришиш ёки битимлар тўзилишига йул қўйилмайди.

10. Ўтказилган текширув натижалари мазкур Ўўриқноманинг 1-иловасига мувофиқ шаклда тўзиладиган ҳисоботда акс этирилади (*ҳисобот Харид комиссияси котиби томонидан юритилади*).

11. Вазирликнинг Коррупцияга қарши курашиш “Комплаенс назорат” шўъбаси харид қилиш тартиб-таомиллари ишгирокчисини текшириш жараёнини маслаҳат бериш форматида ва коррупцияга қарши мониторинг доирасида назорат қилади ва услубий ёрдам кўрсатади.

Харид комиссияси харид қилиш тартиб-таомиллари ишгирокчисини қуйидагилар асосида текширади:

маълумотларнинг очиқ манбаи;

харид қилиш тартиб-таомиллари ишгирокчиси томонидан тақдим этилган ҳужжатлар.

12. Танлов ёки тендер ҳужжатларини тайёрловчи шахс ҳужжатлар рўйхатида харид ишгирокчисидан қуйидаги ҳужжатлар тақдим этилишини кўрсатиши лозим:

давлат рўйхатидан ўтганлиги ҳақидаги гувоҳнома нусхаси;

ишончноманинг ёки харид қилиш тартиб-таомиллари ишгирокчиси вакилининг битимлар тузиш ва ҳужжатларни имзолаш бўйича ваколатларини тасдиқловчи бошқа ҳужжатлари нусхаси;

агар мавжуд бўлса, харид қилиш тартиб-таомиллари иштирокчисининг коррупцияга қарши кўрашиш бўйича ички ҳужжатлари (сиёсат, низомлар, одоб- ахлоқ; қоидалари, коррупцияга қарши дастурлар ва х.к.);

харид қилинаётган товар ёки иш (хизмат)нинг хусусиятидан келиб чиқиб хариднинг барча иштирокчиларидан заруратга кўра сўраладиган бошқа ҳужжатлар.

13. Ўзбекистон Республикасининг қонунчилигига мувофиқ мазкур Йўриқноманинг 12-бандида кўрсатилган ҳужжатлар олиниши мажбурий бўлиб ҳисобланади, харид қилиш тартиб-таомиллари иштирокчисининг коррупцияга қарши кўрашиш бўйича ички ҳужжатлари ва харид иштирокчисининг охириги бенефициарлари ҳақидаги маълумотнома бундан мустасно. Харид иштирокчиси томонидан коррупцияга қарши курашиш бўйича ички ҳужжатлари ва харид иштирокчисининг охириги бенефициарлари ҳақидаги маълумотнома беришдан бош тортганда Харид комиссиясига харид қилиш тартиб-таомиллари иштирокчиси томонидан тақдим этилган ҳужжатлар асосида текширилади.

### **3-боб. Харид қилиш тартиб-таомиллари иштирокчилари ҳақидаги маълумотларни таҳлил қилиш**

14. Харид комиссияси қуйидаги *йўналишлар* бўйича харид қилиш тартиб- таомиллари иштирокчилари ҳақидаги маълумотни текширади ва таҳлил қилади:

**а) харид қилиш тартиб-таомиллари иштирокчисининг таъсис этилиши ва шартнома тузиш ваколати ҳақидаги маълумотни таҳлил қилиш.**

Харид комиссияси Тадбиркорлик субъектлари ягона давлат реестри, давлат рўйхатидан ўтказилганлиги ҳақида гувоҳнома, ишончнома ёки харид қилиш тартиб-таомиллари иштирокчиси вақилининг битим тузиш ва ҳужжатларни тузишга ваколат берувчи бошқа ҳужжатлардаги маълумотларни таҳлил қилади ва қуйидагиларни аниқлайди:

харид қилиш тартиб-таомиллари иштирокчисининг Тадбиркорлик субъектлари ягона давлат реестрида мавжудлиги;

харид қилиш тартиб-таомиллари иштирокчисининг юридик ва ҳақиқий манзили;

харид қилиш тартиб-таомиллари иштирокчиси раҳбари ва муассисларининг Ф.И.О.;

харид иштирокчиси асосий фаолиятининг харид предметига мувофиқлиги;

харид иштирокчиси тугатиш жараёнида эмаслиги ёки фаолияти тугатилмаганлиги;

харид иштирокчисининг йиллар давомида фаолият олиб бориш муддати (харид қилиш тартиб-таомиллари иштирокчиси текширилган сана билан юридик шахс давлат рўйхатидан ўтказилган сана ўртасидаги фарқи);

**б) солиқ ва бошқа мажбурий тўловлар бўйича қарздорлик мавжуд эмаслигини текшириш.**

Харид комиссияси харид қилиш тартиб-таомиллари иштирокчисида солиқ қарзи мавжуд эмаслигини солиқ органларининг электрон давлат хизматлари портали орқали текширади (<https://my2.soliq.uz>);

**в) харид қилиш тартиб-таомиллари иштирокчисига нисбатан банкротлик тартиб-таомиллари жорий этилмаганлиги.**

Харид комиссияси харид қилиш тартиб-таомиллари иштирокчисига нисбатан банкротлик тартиб-таомиллари жорий этилмаганлигини солиқ органларининг электрон давлат хизматлари портали орқали текширади (<https://my2.soliq.uz>);

**г) харид қилиш тартиб-таомиллари иштирокчиси ҳақида Инсофсиз ижрочилар ягона реестрида ёзув мавжуд эмаслиги.**

Харид комиссияси харид қилиш тартиб-таомиллари иштирокчиси ҳақида Инсофсиз ижрочилар ягона реестрида ёзув мавжуд эмаслигини давлат харидларининг махсус ахборот порталида (<http://xarid.uz/imfairexecutor>) текширади;

**д) ахборотларнинг очик манбаларида эҳтимоли бўлган коррупцияга оид хукукбузарлик ҳақида маълумотлар мавжуд эмаслиги.**

Харид комиссияси харид қилиш тартиб-таомиллари иштирокчиси томонидан содир этган бўлиши мумкин бўлган коррупцияга оид хукукбузарликлар ҳақидаги маълумотларни Интернет тармоғидаги “Google” ёки бошқа қидирув тизимида очик излаш йўли билан ўрғанади. Текширув ўтказиш мақсадида Харид комиссиясининг масъул аъзоси қидирув қаторига қуйидаги комбинацияларни киритади:

“харид қилиш тартиб-таомиллари иштирокчиси номи” коррупция”;

“харид қилиш тартиб-таомиллари иштирокчиси номи” пора”;

“харид қилиш тартиб-таомиллари иштирокчиси раҳбарининг фамилияси, исми” коррупция;

“харид қилиш тартиб-таомиллари иштирокчиси раҳбарининг фамилияси, исми” пора”;

“муассис/мулкдор фамилияси, исми” коррупция;

“муассис/мулкдор фамилияси, исми” пора;

“охирги бенефициарнинг фамилияси, исми” коррупция”;

“охирги бенефициарнинг фамилияси, исми” пора”;

**е) харид қилиш тартиб-таомиллари иштирокчиси сайтдаги маълумотларнинг таҳлили.**

Харид комиссияси харид қилиш тартиб-таомиллари иштирокчисида расмий сайт мавжудлиги ёки мавжуд эмаслигини аниқлайди. Харид қилиш тартиб-таомиллари иштирокчисида расмий сайт мавжуд бўлганда Харид комиссиясининг масъул аъзоси томонидан сайтда коррупцияга қарши ҳужжатлар ва янгиликлар, шунингдек, коррупцияга қарши кўрашиш бўйича бўлим мавжудлигини аниқлайди;

**ж) меҳнат органлари ва тасарруфий ташкилотларнинг харид қилиш тартиб-таомиллари иштирокчиси билан ўзаро ҳамкорлиги тарихининг таҳлили.**

Харид комиссияси Вазирлик билан харид қилиш тартиб-таомиллари иштирокчиси ўртасида охирги 3 йилда шартномавий муносабатлари мавжудлигини аниқлайди. Бундай муносабатлар аниқланганда олдин тўзилган шартномаларни ўз вақтида, лозим даражада ва сифатли ижро этилганлиги, шунингдек, бундай харид қилиш тартиб-таомиллари иштирокчисининг коррупциявий фаолиятда иштирок этганлигини тасдиқловчи фактлар ва шубҳалар таҳлил қилиниши лозим;

**з) харид иштирокчиларида шартномани бажариш учун зарур техник, молиявий, моддий, кадрларга оид ва бошқа ресурслар мавжудлигининг таҳлили.**

Харид комиссияси котиби харид иштирокчиларида шартномани бажариш учун зарур



техник, молиявий, моддий, кадрларга оид ва бошқа ресурслар мавжудлиги (объектларни кўриш, реконструкция қилиш ва капитал таъмирлаш ишлари бундан мустасно) таҳлил қилиниши лозим.

Вазирлар Маҳкамасининг 2020 йил 18 февралдаги 91-сон қарори билан тасдиқданган объектларни қуриш, реконструкция қилиш ва капитал таъмирлаш ишлари бўйича намунавий танлов ва тендер ҳужжатлари асосида танловни (тендерни) ташкил этиш ва ўтказиш фақат 2020 йилда кўрилиши, реконструкция қилиниши ва капитал таъмирланиши назарда тутилган объектларга нисбатан амал қилади.

#### **4-боб. Манфаатлар тўқнашуви мавжуд эмаслигини текшириш**

15. Ўзбекистон Республикасининг “Давлат харидлари тўғрисида”ги Қонунининг 39-моддасига асосан давлат буюртмачисининг, махсус ахборот портали операторининг мансабдор шахслари ва бошқа ходимлари, шунингдек харид комиссиясининг аъзолари харид қилиш тартиб-таомилларини амалга оширишда ўз иштирокидаги давлат харидларига доир битимнинг натижаси бўлиши мумкин бўлган исталган шахсий нафни бевосита ёки билвосита олиш ҳуқуқига эга эмас.

16. Харид комиссиясининг масъул аъзоси конвертларни қуйидаги тарзда очгандан кейин бир кун ичида манфаатлар тўқнашувининг йўқлигини текширади:

Вазирликнинг ходимлари объективкаларининг маълумотлари базасида харид қилиш тартиб-таомиллари иштирокчиси номи мавжудлигини текширади. Бунинг учун ходимларнинг маълумотнома-объективкалари сақланадиган электрон папкада “Излаш” майдонига харид қилиш тартиб-таомиллари иштирокчиси номи киритилади ва “Enter” тугмаси босилади. Ходимлар объективкасида унинг номи аниқланганда объективкасида тасодиф аниқланган ходимга аниқлаштирувчи сўров юбориш йўли билан манфаатлар тўқнашувининг мавжудлиги ёки мавжуд эмаслиги бўйича навбатдаги таҳлил амалга оширилади;

Вазирликнинг ходимлари объективкаларининг маълумотлари базасида муассислар, раҳбарлар ва охириги бенефициарлар мавжудлигини текширади. Бунинг учун ходимларнинг маълумотнома-объективкалари сақланадиган электрон папкада “Излаш” майдонига муассислар, раҳбарлар ва охириги бенефициарлар номи навбат билан киритилади ва “Enter” тугмаси босилади. Тасодифлар аниқданганда уларга ходимнинг объективкасида ва харид қилиш тартиб-таомиллари иштирокчиси томонидан охириги бенефициарлар ҳақида берилган маълумотномада кўрсатилган шахснинг туғилган санасини текшириш йўли билан янада аниқлик киритилади. Тўлиқ тасодиф аниқланганда ходимга аниқлаштирувчи сўров юбориш йўли билан манфаатлар тўқнашувининг мавжудлиги ёки мавжуд эмаслиги бўйича навбатдаги таҳлил амалга оширилади.

17. Манфаатлар тўқнашувининг мавжудлиги ёки мавжуд эмаслиги ҳақидаги қарор текширув ўтказган харид комиссиясининг масъул аъзоси томонидан қабул қилинади.

18. Ягона етказиб берувчи билан шартнома асосида харидлар амалга оширилган тақдирда, Харид комиссиясининг масъул аъзоси томонидан харид қилиш тартиб-қоидаларида иштирок этган шахслардан ҳужжатлар олинган кундан бошлаб ягона етказиб берувчини текшириш жараёни ушбу Йўриқноманин 16-бандига мувофиқ амалга оширади.

19. Харид комиссиясининг масъул аъзоси (Кадрлар бошқармаси) текширув натижаларига

кўра Харид комиссияга манфаатлар тўқнашуви мавжудлиги ёки мавжуд эмаслиги ҳақидаги маълумотни ўз ичига олган хизмат хатини юборади.

20. Манфаатлар тўқнашуви аниқланганда Харид комиссияси қуйидаги қарорлардан бирини қабул қилади:

а) Вазирликнинг бошқа манфаатдор ходими билан харид иштирокчиси ўртасида манфаатлар тўқнашуви мавжуд бўлганда: харид иштирокчиси харидда қатнашишдан четлаштирилади;

б) Харид комиссияси аъзоси билан харид иштирокчиси ўртасида манфаатлар тўқнашуви мавжуд бўлганда: харид бекор қилинади ва такрорий харид ташкил қилинади, манфаатлар тўқнашуви мавжуд бўлган Харид комиссиясининг аъзоси харидда қатнашишдан четлаштирилади.

21. Мазкур Йўриқноманинг 21-банди “а” ва “б” кичик бандларида назарда тутилган ҳолларда қуйидаги чоралар кўрилиши керак:

иштирокчиларнинг таклифларини баҳолаш фақатгина очик тарзда амалга оширилади. Харид комиссиясининг мажлисида қатнашиш учун овоз бериш ҳуқуқига эга бўлмаган, бироқ харид қилиш тартиб-таомиллари иштирокчисини танлаш жараёнининг шаффофлиги ва ҳолислигини назорат қиладиган Вазирликнинг Коррупцияга қарши кўрашиш “Комплаенс назорат” шўъбаси ходими таклиф қилиниши лозим. Коррупцияга қарши кўрашиш “Комплаенс назорат” шўъбасининг ходими харид комиссиясининг йиғилишида видеоконференцалока воситасида ҳам иштирок этиши мумкин мумкин;

иштирокчини рад этиш ҳақидаги маълумот харид комиссияси мажлисининг баённомасида кўрсатилади.

22. Агар Вазирлик ходими ва ягона етказиб берувчи ўртасида манфаатлар тўқнашуви мавжуд бўлса, шартнома тўзилмайди. Бундай ҳолатда харид қилиш тартиб-таомиллини айни ўша шартларда ҳамда товарга (ишга, хизматга) доир айни ўша мезонларга ва талабларга мувофиқ такроран амалга ошириши шарт.

## **5-боб. Яқунловчи қондалар**

23. Мазкур Йўриқноманинг 2-иловасида тавсифланган таҳлил натижалари мазкур Йўриқноманинг 1-иловасига мувофиқ шаклда харид қилиш тартиб-таомиллари иштирокчисини текшириш ҳақидаги ҳисоботда ўтказилган таҳлиллар скриншоти илова қилинган ҳолда акс эттирилади.

24. Харид қилиш тартиб-таомиллари иштирокчисини текшириш ҳақидаги ҳисобот Харид комиссияси котиби томонидан харид комиссиясига етказилади ва яқуний қарор қабул қилинишида инобатга олинади, бу ҳақда комиссия мажлисининг баённомасида қайд этилади.

25. Харид комиссияси, агар текширув натижаларига кўра улар Ўзбекистон Республикасининг “Давлат харидлари тўғрисида”ги Қонунининг 29 ва 34-моддаларига мувофиқ келмаса иштирокчилар кўрсатилган мезонларга жавоб бермайди деб топади.

26. Агар харид қилиш тартиб-таомиллари иштирокчисини текшириш натижаларига кўра

коррупциявий хавф-хатарнинг мавжудлигидан ёки коррупцияга қарши кўрашиш тизимининг мавжуд эмаслигидан далолат берувчи маълумотлар аниқланганда, яъни 12 ва 14-бандларда тегишли маълумотлар кўрсатилганда, унда коррупциявий хавф-хатарни минималлаштириш бўйича қуйидаги чора-тадбирлар амалга оширилиши лозим:

иштирокчиларнинг таклифларини баҳолаш факатгина очик тарзда амалга оширилади. Харид комиссиясининг мажлисида катнашиш учун овоз бериш ҳуқуқига эга бўлмаган, бироқ харид қилиш тартиб-таомиллари иштирокчисини танлаш жараёнининг шаффофлиги ва ҳолислигини назорат қиладиган Коррупцияга қарши курашиш “Комплаенс назорат” шўъбаси ходими таклиф қилинади. Вазирлик тизимида коррупцияга қарши кўрашиш “Комплаенс назорат” шўъбаси ходими харид комиссиясининг мажлисида видеоконференцалока воситасида катнашиши мумкин;

агар коррупциявий хавф-хатар билан тавсифланган иштирокчи танлов ёки тендер ғолиби деб топилганда, Меҳнат органлари тизимида давлат харидларини мувофиқлаштириш шўъбаси тўзиладиган шартнома шартларини иштирокчининг аризасига ва танлов ёки тендер ҳужжатлари шартларига мувофиқлигини текшириши лозим;

агар коррупциявий хавф-хатар билан тавсифланган иштирокчи танлов ёки тендер ғолиби деб топилганда, харид натижалари (махсулот етказиб бериш, хизмат кўрсатиш, иш бажариш)ни қабул қилиш Вазирликдаги турли таркибий бўлинмаларининг камида уч нафар ходими томонидан Коррупцияга қарши курашиш “Комплаенс назорат” шўъбаси масъул ходими иштирокида амалга оширилади.

27. Текширув натижалари ҳақидаги ҳисобот харид ҳужжатларига қўшилади ва Ишлар бошқармасида ҳамда Меҳнат органлари тизимида давлат харидларини мувофиқлаштириш шўъбасида сақланади.

Ўзбекистон Республикаси Бандлик  
ва меҳнат муносабатлари вазирлигида  
давлат харидларини амалга ошириш  
донрасида харид қилиш тартиб-  
таомиллари иштирокчиларини  
текшириш жараёни бўйича  
йуриқномага  
1-ИЛОВА

**Харид қилиш тартиб-таомиллари иштирокчисини текшириш  
ҳақидаги  
ҲИСОБОТ**

1. Харид қилиш тартиб-таомиллари иштирокчиси номи	<hr/>		
2. СТИР	<hr/>		
3. Рўйхатга олиш санаси	<hr/>		
4. Манзил	<hr/>		
<hr/>			
5. Раҳбар Ф.И.О	<hr/>		
6. Муассислар Ф.И.О.	<hr/>		
7. Охирги бенефициарлар Ф.И.О.	<hr/>		
8. Иштирокчи шартнома тузишга ваколатлими?	<input checked="" type="checkbox"/>	Ҳа	<input checked="" type="checkbox"/> Йўқ
9. Солик ва бошқа мажбурий туловлардан қарздорлик мавжудми?	<hr/>		Сўм
10. Харид қилиш тартиб-таомиллари иштирокчисига нисбатан банкротлик тартиб-таомилларининг жорий қилинганми?	<input checked="" type="checkbox"/>	Ҳа	<input checked="" type="checkbox"/> Йўқ
11. Инсофсиз ижрочилар ягона реестрида харид қилиш тартиб-таомиллари иштирокчиси ҳақидаги ёзувларнинг мавжудми?	<input checked="" type="checkbox"/>	Ҳа	<input checked="" type="checkbox"/> Йўқ
12. Иштирокчи хариднинг бошқа иштирокчилари билан афилланганми?	<input checked="" type="checkbox"/>	Ҳа	<input checked="" type="checkbox"/> Йўқ
13. Булиши мумкин булган коррупцияга оид ҳуқуқбузарликлар ҳақида маълумот мавжудми?	Мавжуд эмас / Манбаа: [ҳавола], [Коррупцияга оид ҳуқуқбузарликлар тавсифи / харид қилиш тартиб-таомиллари иштирокчисининг порахўрлиги]		
14. Коррупцияга қарши ҳужжатларнинг мавжудми (тақдим этилган ёки сайтдаги)?	<input checked="" type="checkbox"/>	Ҳа	<input checked="" type="checkbox"/> Йўқ

15. Харид қилиш тартиб таомиллари иштирокчиси сайти

Мавжуд эмас / Сайтнинг адреси: [ҳавола], фаолият юритади / юритмайди

16. Харид қилиш тартиб-таомиллари иштирокчиси ресурслари хажми шартнома бўйича мажбуриятларни бажаришга етарлими?

√

Ҳа

√

Йўқ

17. Манфаатлар тукрашуви тўғрисидаги маълумот мавжудми?

√

Ҳа

√

Йўқ

18. Ҳисоботга илова қилинган бошқа материаллар

- а) \_\_\_\_\_
- б) \_\_\_\_\_
- в) \_\_\_\_\_
- г) \_\_\_\_\_

19. Харид қилиш тартиб-таомиллари иштирокчисини текширадиган ходим ҳақида маълумотлар

Ф.И.О.

\_\_\_\_\_

Лавозими

\_\_\_\_\_

Ҳисобот тузилган сана

\_\_\_\_\_

Лот рақами

\_\_\_\_\_

Ўзбекистон Республикаси Бандлик  
ва меҳнат муносабатлари  
вазирлигида давлат харидларини  
амалга ошириш доирасида харид  
қилиш тартиб-таомиллари  
иштирокчиларини текшириш  
жараёни бўйича йуриқномага  
2-ИЛОВА


УМУМИЙ БАҲОЛАШ ЖАДВАЛИ

№ \_\_\_\_\_ лот бўйича танлов/тендер қатнашчиларининг таклифлари

№	Қатнашчининг номланиши	Нарх бўйича иккинчи конверт бали	Биринчи конвертнинг нархи	Умумий балл
		Макс. 60 балл	Макс. 40 балл	Макс. 100 балл
1				
2				

Ўзбекистон Республикаси Бандлик  
ва меҳнат муносабатлари вазирлигида  
давлат харидларини амалга ошириш  
доирасида харид қилиш тартиб-  
таомиллари иштирокчиларини  
текшириш жараёни бўйича  
йуриқномага  
3-ИЛОВА

Ходимларнинг шахсий маълумотномалари (объективкаси) бўйича манфаатлар  
тўқнашуви ҳолатлари мавжудлиги / мавжуд эмаслиги юзасидан  
текширув ўтказиш бўйича  
Э С Л А Т М А



ходимлар объективкасида харид қилиш тартиб-таомиллари иштирокчисининг номи

аниқланганда ёки объективкада тасодиф аниқланган, ходимга аниқлаштирувчи суров юбориш йули билан манфаатлар тукнашувининг мавжудлиги ёки мавжуд эмаслиги буйича навбатдаги тахдил амалга оширилади;

**МЕХНАТ ФАОЛИЯТИ**

**Давронов Акмал Соҳибовичнинг икки қариндошлари туғрисидаги МАЪЛУМОТ**

№/П	Қариндошлик даражаси	Фамилия, исми ва шарафни	Туғилгани куни ва joyи	Иш ийтиш ва лавозими	Яшаши joyи
1.	Отаси	Давронов Соҳиб Пардасалч	12.15.1970 й., Тошкент	"Стансифт" МЧЖ, хайвончи	Тошкент
2.	Отаси	Давронова Моҳишшоҳ Аҳборовна	12.14.1974 й., Тошкент	УВ боғиши	Тошкент
3.	Ушаси	Давронов Адибек Соҳибович	19.02.1994 й., Тошкент	МЧЖ "Сантсқаниа плюс", бош директор	Тошкент

ходимлар объективкаларининг маълумотлари базасида муассислар, раҳбарлар ва охириги бенефициарлар мавжудлигини текширилади;

**МЧЖ "Техника" (харид иштирокчиси) нинг охириги бенефи ҳақида МАЪЛУМОТНОМА**

Т/Р	Ф.И.О.	Туғилган санаси	Шахс роли (раҳбар/муассис/ охириги бенефициар)	Шахс раҳбар/муассис/ охириги бенефициар бўлган давр	Иштирок этиш улуши (фақат 5%дан ортиқ эгаллик қилувчи муассислар учун)
1.	Мухаммадиёров Азизбек Акмалович	14.09.1995	Таъсисчи охириги бенефициар	15.05.2018- ҳозирги вақтгача	100%
2.	Акмалов Азим Анварович	15.09.1996	Бош директор	15.05.2018- ҳозирги вақтгача	
3.					
4.					
5.					
6.					
7.					
.....					

\* Сўнгги икки йил учун тўлдирилади

Ваколатли шахсининг Ф.И.О. - Акмалов Азим Анварович



Харид иштирокчисида ваколатли шахсининг лавозими - Бош директор


Маълумотнома тузилган сана 19.10.2020йил

Бунинг учун ходимларнинг маълумотнома-объективкалари сақланадиган электрон папкада "Излаш" майдонига харид қилиш тартиб-таомиллари иштирокчиси номи киритилади ва "Enter" тугмаси босилади

Бунинг учун ходимларнинг маълумотнома-объективкалари сақланадиган электрон папкада "Излаш" майдонига муассислар, раҳбарлар ва охириги бенефициарлар номи навбат билан киритилади ва "Enter" тугмаси босилади.








аш

тасодифлар аниқланганда уларга ходимнинг объективкасида ва харид қилиш тартиб-таомиллари иштиракчиси томонидан охириги бенефициарлар хақида берилган маълумотномада кўрсатилган шахснинг туғилган санасини текшириш йули билан янада аниқлик киритилади.



Тўлиқ тасодиф аниқланганда ходимга аниқлаштирувчи сўров юбориш йули билан

манфаатлар тўқнашувининг мавжудлиги ёки мавжуд эмаслиги бўйича навбатдаги таҳлил амалга оширилади:

1. Манфаатлар тўқнашувининг мавжудлиги ёки мавжуд эмаслиги ҳақидаги қарор текширув ўтказган Кадрлар бошқармаси ва/ёки Коррупцияга қарши курашиш “Комплаенс назорат” шўбаси масъул ходими томонидан қабул қилинади.

2. Харид тўғридан-тўғри шартнома тузиш йули билан амалга оширилганида харид қилиш тартиб-таомиллари иштирокчисида мазкур эслатманинг 1-бандида кўрсатилган манфаатлар тўқнашуви мавжудлигини аниқлаш муддати сўров олинган пайтдан бошлаб бир иш кунини ташкил қилади.

3. Харид комиссиясининг масъул аъзоси (ягона етказиб берувчидан харидлар амалга оширилган тақдирда Кадрлар бошқармаси) манфаатлар тўқнашувини давлат харидлари қисми сифатида Вазирлик томонидан харид қилиш тартиб-таомиллари иштирокчиларининг конвертларини очгандан кейин бир кун ичида текширади.